

SENARAI PEMBERITAHUAN PRODUK – KEMALANGAN DIRI (Sila baca Senarai Pemberitahuan Produk ini sebelum anda membuat keputusan untuk mendapatkan Pelan Supreme Worker PA . Pastikan juga anda membaca terma dan syarat-syarat am yang terdapat di dalam polisi).	Nama penawar khidmat kewangan: Liberty General Insurance Berhad Nama produk: Pelan Supreme Worker PA Tarikh: 01/03/2024
--	---

Kontrak Insurans Pengguna

Menurut **Perenggan 5 daripada Jadual 9** Akta Perkhidmatan Kewangan 2013, jika anda memohon insurans ini sepenuhnya **untuk tujuan yang tidak berkaitan perdagangan, perniagaan atau profesion anda**, anda mempunyai kewajipan untuk mengambil langkah yang munasabah untuk tidak salah nyata dalam menjawab soalan-soalan di dalam Borang Cadangan (atau semasa memohon insurans ini). Anda dikehendaki menjawab soalan-soalan dalam Borang Cadangan ini dengan lengkap dan tepat.

Kegagalan untuk mengambil langkah yang munasabah dalam menjawab soalan-soalan, mungkin mengakibatkan pembatalan kontrak insurans anda, keengganan atau pengurangan gantirugi, perubahan terma atau penamatan kontrak insurans anda.

Kewajipan pendedahan diatas hendaklah diteruskan sehingga kontrak insurans anda dimeterai, diubah atau diperbaharui dengan kami.

Sebagai tambahan kepada soalan-soalan di dalam Borang Cadangan (atau semasa memohon insurans ini), anda dikehendaki untuk mendedahkan apa-apa perkara lain yang anda tahu akan mempengaruhi keputusan kami dalam menerima risiko dan menentukan kadar dan terma yang dikenakan.

Anda juga mempunyai kewajipan untuk memberitahu kami dengan serta-merta jika pada bila-bila masa selepas kontrak insurans anda ditandatangani, diubah atau diperbaharui dengan kami (atau semasa permohonan insurans ini), apa-apa maklumat yang dinyatakan dalam Borang Cadangan tidak tepat atau sudah berubah.

Kontrak Insurans Komersial

Menurut **Perenggan 4(1) Jadual 9** Akta Perkhidmatan Kewangan 2013, jika anda memohon insurans ini **untuk tujuan yang berkaitan dengan perdagangan, perniagaan atau profesion anda**, anda berkewajipan untuk mendedahkan apa-apa perkara yang anda tahu akan mempengaruhi keputusan kami dalam menerima risiko dan menentukan kadar dan terma yang dikenakan dan apa-apa perkara yang munasabah yang boleh dijangka, jika tidak ia boleh menyebabkan pembatalan kontrak insurans, keengganan atau pengurangan ganti rugi, perubahan terma atau penamatan kontrak insurans anda.

Kewajipan pendedahan diatas hendaklah diteruskan sehingga kontrak insurans anda dimeterai, diubah atau diperbaharui dengan kami.

Anda juga mempunyai kewajipan untuk memberitahu kami dengan serta-merta jika pada bila-bila masa selepas kontrak insurans anda ditandatangani, diubah atau diperbaharui dengan kami (atau semasa permohonan insurans ini), apa-apa maklumat yang dinyatakan dalam Borang Cadangan tidak tepat atau sudah berubah.

1. Apakah yang dimaksudkan dengan produk ini?

Produk ini merupakan perlindungan tambahan kemalangan peribadi atas pekerja asing selain perlindungan insurans wajib yang diperlukan di bawah Pertubuhan Keselamatan Sosial (PERKESO). Polisi ini menyediakan perlindungan 24 jam dalam Malaysia sahaja.

2. Apakah perlindungan / manfaat yang ditawarkan?

Jadual Faedah

No	FAEDAH	Jumlah Diinsuranskan (RM)	
		Pelan Basic	Pelan Comprehensive
1	Kematian Kemalangan	15,000	20,000
2	Hilang Upaya Kekal (sehingga)	15,000	20,000
3	Perbelanjaan Kos Penghantaran Pulang (dengan had potongan RM6,000)	3,000	5,000
4	Perbelanjaan Caj Kiriman Wang (sehingga)	300	300
5	Elaun Kematian	1,000	1,200
6	Perbelanjaan Perubatan	750	1,000
7	Perbelanjaan Kerusi Roda atau Prostetik	Not Applicable	1,000

Tempoh perlindungan adalah selama Satu tahun. Anda perlu memperbaharui pelan insurans setiap tahun.

Manfaat-manfaat yang dibayar di bawah polisi yang layak ini adalah dilindungi oleh PIDM sehingga had perlindungan. Sila rujuk Brosur Sistem Perlindungan Manfaat Takaful dan Insurans PIDM atau hubungi Liberty General Insurance Berhad atau PIDM (layari www.pidm.gov.my).

3. Berapakah jumlah premium yang perlu dibayar?

Premium dan Pelan	Pelan Basic (RM)	Pelan Comprehensive (RM)
Premium Tahunan*	28.30	47.17

Nota: Umur Pihak Diinsuranskan mestilah diantara 18 tahun sehingga 60 tahun sahaja, dengan pembaharuan sehingga 65 tahun

* Jumlah premium ini termasuk cukai perkhidmatan dan komisen agen.

4. Berapakah bayaran dan caj-caj yang perlu dibayar?

Bayaran dan caj-caj yang perlu dibayar ialah:

Jenis	Jumlah
Komisen ejen atau jika terdapat pengantara yang terlibat	25%
Duti setem	RM10.00
Cukai Perkhidmatan	Tertakluk kepada kadar semasa seperti yang dikenakan oleh Kerajaan Malaysia

5. Apakah sebahagian terma dan syarat-syarat utama yang perlu diberi perhatian?

Sebahagian terma dan syarat-syarat utama yang perlu diberi perhatian ialah:

- Kewajipan Pendedahan** – Anda perlu memberitahu semua maklumat dan fakta-fakta seperti pekerjaan dan maklumat peribadi anda, yang akan mempengaruhi profil risiko serta bilangan polisi kemalangan diri yang dibeli dari syarikat insurans lain.
- Perlindungan adalah hanya untuk kerugian akibat kemalangan** seperti yang tercatat di dalam polisi.
- Faedah akan dibayar** jika kematian atau hilang upaya kekal berlaku dalam tempoh 12 bulan dari Tarikh Kemalangan.
- Tunai Sebelum Perlindungan** - Premium yang kena dibayar mesti dibayar dan diterima oleh Liberty sebelum perlindungan bermula. Insurans ini secara automatik terbatal dan tidak sah jika syarat ini tidak dipatuhi.
- Notis Tuntutan** - Jika berlakunya kemalangan yang menimbulkan suatu tuntutan, anda hendaklah memberitahu kami dalam masa 30 hari dari kemalangan itu.

6. Apakah pengecualian utama bagi polisi ini?

Polisi ini tidak memberi perlindungan terhadap:

- Risiko peperangan;
- Bunuh diri dan hilang akal;
- Kecederaan yang disengajakan;
- AIDS atau sebarang penyakit berkaitan atau menjalani ujian darah berkaitan HIV/ AIDS;
- Pembunuhan yang diprovokasi atau serangan;
- Aktiviti sukan yang berbahaya.

(Nota: Senarai ini adalah tidak lengkap. Sila rujuk kepada polisi untuk mendapatkan senarai penuh pengecualian bagi polisi ini.)

7. Bolehkah saya membatalkan polisi saya dan bagaimanakah caranya?

Anda boleh membatalkan polisi anda dengan memberikan notis bertulis kepada syarikat kami. Setelah pembatalan dilakukan, anda layak menerima bayaran balik premium berdasarkan kepada tempoh insurans yang belum luput.

8. Apakah yang perlu dilakukan jika terdapat perubahan pada maklumat peribadi / surat- menyurat?

Adalah penting bagi anda memberitahu syarikat kami jika terdapat sebarang perubahan pada profil anda, termasuk pekerjaan dan maklumat peribadi anda, yang mungkin mempengaruhi profil risiko.

9. Dimanakah saya boleh dapatkan maklumat lanjut?

Sekiranya anda memerlukan maklumat tambahan, sila rujuk pada naskhah *insuranceinfo* berkenaan 'Insurans Kemalangan Diri', yang boleh didapati di semua pejabat cawangan kami. Anda juga boleh mendapatkan salinan daripada agen insurans.

Untuk sebarang pertanyaan, sila hubungi kami di:

Eksekutif Perkhidmatan Pelanggan, Pusat Khidmat Pelanggan

Liberty General Insurance Berhad

Dahulu dikenali sebagai Amgeneral Insurance Berhad

Liberty Insurance Tower,

CT9, Pavilion Damansara Heights,

3, Jalan Damanlela

Pusat Bandar Damansara,

50490 Kuala Lumpur.

Tel. No: 03-2268 3333 or 1-300-888-990

E- mel: customer@libertyinsurance.com.my

Laman web : www.libertyinsurance.com.my

10. Perlindungan Kemalangan Diri Lain Yang Boleh Didapati:

Sekiranya anda berminat untuk mengetahui samada terdapat jenis-jenis perlindungan insurans seumpama ini, anda boleh menghubungi kami atau rujuk kepada ejen insurans kami.

NOTA PENTING:

ANDA DINASIHATKAN UNTUK MEMAHAMI TENTANG SKALA FAEDAH UNTUK KEMATIAN DAN KECACATAN BAGI POLISI INSURANS ANDA. ANDA DINASIHATKAN UNTUK MENCALONKAN PENAMA SERTA MEMASTIKAN BAHAWA PENAMA ANDA MENGETAHUI TENTANG POLISI KEMALANGAN DIRI YANG TELAH DIBELI. ANDA DINASIHATKAN MEMBACA SERTA MEMAHAMI POLISI INSURANS DAN BERBINCANG DENGAN AGEN ANDA ATAU MENGHUBUNGI SYARIKAT INSURANS SECARA TERUS UNTUK MAKLUMAT LANJUT.

Maklumat yang diberikan di dalam senarai pemberitahuan ini adalah sah bermula Mac, 2024.